

33
DISPUTATIO INAUGURALIS MEDICA,
SISTENS

ÆGROTUM SYNCOPEALEM,

QUAM
SUMMO ARCHIA TRO SECUNDANTE,
IN ALMA ET PERANTIQUA HIERANA,
MAGNIFICO UNIVERSITATIS RECTORE,
REVERENDISSIMO ET PERILLUSTRI DOMINO,
DOMINO

JO. JOACHIMO HAHN,
EPISCOPO METELLOPOLITANO,

Eminentissimi Archi-Episcopi & Principis Electoris Moguntini per Thuringiam, Hassiam & Eichsfeldiam in Pontificalibus Vicario Generali, Ejusdemque Archi-Episcopalis Curiae Pro-Vicario Generali, SS. Theologiae & Juris Utriusque Doctore, Protonotario Apostolico, Comite Palatino, Insignium Ecclesiarum Collegiatarum ad Gradus B. M. V. & ad S. Joannem Moguntiae respectivo Scholastico, Canonico Capitulari, & reliq.

AUTORITATE ET CONSENSU GRATIOSÆ FACULTATIS MEDICÆ,
SUB PRÆSIDIO

DN. HIERONYMI Rudolfi/

PHILOSOPHIÆ ET MEDICINÆ DOCTORIS,
FACULTATIS MEDICÆ ET PHILOSOPHICÆ ASSESSORIS ORDINARIJ, AC CHY-
MIÆ ET MATHEMATUM PROFESSORIS PUBLICI,

PATRONI, PROMOTORIS ET FAUTORIS SUI HONORATISSIMI,

PRO LICENTIA

HONORES IN MEDICINA SUPREMOS MORE RITUQUE
SOLENNI CAPESSENDI,

PUBLICÆ ERUDITORUM DISQUISITIONI SUBJICIT

FRIDER. GVILIELMUS Scheidemandel/

Unter-Massfeldensis,

AD DIEM V. MAJ. A. M DCC XXII.

IN AUDITORIO MAJORI COLLEGII MAJ. HOR. CONSVET.

ERFORDIÆ, Typis GROSCHIANIS, Acad. Typogr.

**DEO,
PATRIÆ**

ET

PROXIMO.



HISTORIA CASUS.



Ir quidam temperamenti sanguineo-cholericici anno ætatis vigesimo casum ab alto perpeſſus animi deliquio graviori afficitur, & licet eo tempore ſanitatē rursus debitis adhibitis remediis recuperasse videretur, subsequenti tamen tempore pluribus vicibus minus sperata corporis debilitate & languore non nimio subinde obruitur, qui affectus in tantum augetur, ut anno ætatis trigesimo, vel à laboribus nimis, vel motibus excessivis,

vel etiam purgatione quadam, five κατὰ, five ὡς
institutis facile excitaretur animi deliquium. Un-
de de novo eodem malo correptus tum Medi-
cus est patiens, ab adstantibus, & cognatis ad-
vocatur, qui deprehendit patientem absque sen-
su & motu, pulsuque deficiente, unde statim
medicamenta debita exhibet ad excitandum &
paroxysmum arcendum, à quo etiam Patiens
rursus liberatus pulsum parvum, rarum, debi-
lem, miurum, vel vermiculantem obtinuit, me-
delam & consilium expetens Medicum.

EVOLUTIO.

Presentem hunc casum ad animi deli-
quia spectare, vel Tyroni Medicinæ
haud potest esse incognitum, unde, cum
nunc gravius nunc levius hic affectus patientem
afflixerit, generali nomine ægroti nimirum Syn-
copalis insignere liceat. Liceat etiam cum be-
nevoli lectoris applausu & gratia paulo latius
in animi deliquiorum naturam, definitionem, cau-
sas & curationem excurrere, & præsentem la-
borem Medicum ita dirigere, ut similibus aliis
quoque casibus applicari possit. DEum vero
Be-

*Benigniss. supplex imploro, ut, sicuti hactenus studiis
meis ex alto benedixit, ita paterne concedat, &
ex alto largiatur vires pro hoc labore & opere
feliciter suscipiendo & optime sustinendo atque
absolvendo, & quidem in sui Divini Numinis
gloriam, artis Medicæ incrementum, mei, meo-
rumque solatium & incrementum, multorumque
ægotantium salutem & adjumentum.*

§. I.

VOco affectum hunc nostrum syncopalem, quo-
niam tempore visitationis Medicæ vera synco-
pe adfuit, adeoque syncopes consideratio hac pro tem-
poris ratione maxime in censum nostrum veniet, nec
minus tamen reliquas deliquiorum species adducere
mihi integrum erit.

§. II.

Ufu ita receptum esse & rem ipsam simul po-
stulare, ut termini cognoscantur, eorundemque Ono-
matologia primo quasi loco apponatur, optime novi,
adeoque syncopes derivationem, æquivocationem &
synonyma tradere haud dubito. Syncope vero ratione
originis agnoscit Græciam & derivatur à συν cum, & κοπή,
strages, quia in syncope conjuncta semper est strages
virium vitalium. Et dicitur adeoque ἀπὸ τῆ συνκόπτης,
concidere, à κόπτω, cædo, scindo, pulso, plango. Germa-
nis optime redditur: Eine gesammte Niederlage oder
Niederschlagung, vel si mavis, eine starcke Ohnmacht,
id

id quod viribus corporis humani graviter absumtis & debilitatis vel maxime convenit. Si æquivocationem spectes, syncope varie sumitur, primo late de quacunque concisione aut præcisione cultro facta, & secundo de figura carmini inserviente, quæ è medio vel literam vel syllabam tollit, quæ vero acceptiones ad Forum Medicum minus spectant, sed potius tertio jam stricte & in sensu medico sumitur pro peculiari affectu, sive pro symptomate facultatis vitalis, actionis diminutæ vel potius ad sensum abolitæ. Synonymice syncope alias quoque dicitur animi deliquium gravius defectio item animi, & Medicorum Ciceroni simpliciter deliquium animi, præceps virium lapsus. Unde sequens fluit nominalis definitio: Syncope est prostratio virium & strages.

§. III.

Definitio vero realis essentiam rei magis exprimens sequentis poterit esse tenoris, quod syncope sit animi deliquium magnum & singulare, cum sensuum internorum æque ac externorum abolitione, motu corporis nullo, nec ulla fere respiratione sensuali, cum sudore item frigido & glutinoso, partiumque totius corporis pallore & frigore, pulsuq; interdum prorsus non viso, interdum vero parvo, raro, debili, miuro, & vermiculante deprehenso, & malum equidem hoc gravius lipothymiâ, levius vero asphyxia esse deprehenditur, à majori præsertim spirituum vitalium defectu vel stagnatione ortum ducens.

§. IV.

Genus hoc loco assignatum est animi deliquium, sub

sub hoc quippe, tanquam sub conceptu generico proxime syncope comprehenditur, quæ juxta Ettmullerum operum Tom. II. pag. 445. recte vocatur species animi deliquii. Alia vero genera ab authoribus tradita sunt remotiora, quam ut bonam definitionem ingredi debeant. Huc pertinet prostratio & lapsus, quare animi deliquium in genere recte definitur, quod sit præceps, ac subitaneus virium vitalium lapsus vel prostratio, quippe quæ definitio ad omnes animi deliquii species quadrat.

§. V.

Reliqua definitionis positæ momenta probe sub incudem vocata & applicata præbent quam optime differentiam specificam, juxta quam a reliquis tribus speciebus animi deliquii differt syncope. Sic differt ab Eclysi, seu leviori virium exsolutione, si vires quodammodo vacillant, & deliquium animi potius imminet, in debilioribus e. g. subjectis, wann einer in eine Ohnmacht verfallen will oder zu derselben incliniret. Differt a lipothymia: In hac enim major virium dejectio & simul motus & sensus aliquo modo perit, sed tamen facile est revocabilis. Differt quoque ab asphyxia, ubi pulsus prorsus est abolitus, & aliquamdiu ad sensum cessans ægri tales mortuorum ad instar jacent, & minus revocabiles sunt, quare quoque pestis tempore non raro sepeliuntur vivi adhuc pro defunctis.

§. VI.

Ex quibus facile patet, quomodo quoque animi deliquia differant ab aliis affectibus præternaturalibus
siqui-

siquidem facilis est differentia ab apoplexia, in qua pulsus & respiratio adhuc magis libera, & defectus si-
ve stagnatio spirituum animalium in nervis est, in no-
stro vero affectu non item. Porro a Paralyfi, in qua
solum vel motus vel sensus est abolitus, vel in toto vel
in parte, itidem a spirituum animalium vitio: vel ab
epilepsia, ubi adest motus corporis clonicus, & itidem
a spirituum animalium explosione inordinata depen-
det: A catalepsi, ubi membra in eodem statu persi-
stunt & situ, qua corripuntur: & tandem ab Ecstasi,
ubi sensus quidem internus, nimirum phantasia per in-
somnia operatur & patientes ab eadem liberati mi-
rabilia recensent. Syncopizantes vero mortuis simi-
liores, quam vivis, esseprehenduntur, ita ut sæpe U-
rinæ & alvi excrementa sponte dimittant.

§. VII.

Subjectum affectus nostri merito nunc & ordine
ita exigente est expendendum, ubi occurrit 1. Subje-
ctum principale, sive propria, genuina, & velut re-
gia affectus sedes, id quod est cor, & abhinc vasa ma-
jora arteriosa & venosa, cordi magis propiora, utpo-
te in quibus principaliter magis syncope oritur. 2. Da-
tur subjectum adæquatum, & dicitur, quousque se ex-
tendit idem, & heic loci est totum corpus & omnes e-
jus partes prostratæ, utpote in quibus affectus noster
quoque se exerit. 3. Considerandum quoque est sub-
jectum foci sive causæ morbificæ, quæ est quærenda
ratione spirituum in sanguine, tanquam fonte alias
& thesauro vitæ, sed in statu præternaturali quoque
multorum malorum procuratore, quibus alii quoque
humo-

humores facilimo negotio partem suam attribuant.

§. VIII.

Syncope variis modis dividi potest : Sic est vel simplex, vel composita, simplex, quæ solitaria & sibi relicta est, & ab aliis morbis atque symptomatibus magis libera, & a causa quasi sibi propria dependet: e. gr. si à terrore & imaginatione rei gravioris, vel a debilitate spirituum, vel alia quadam causa immediata syncope, vel animi deliquium oritur, nec ulli alii affectus concurrunt; Composita vero est, priori simplici opposita, quando plures morbi concurrunt, ut si simul adsit febris acuta, maligna & continua, aut quoque intermittens, si morbi chronici, phthisis, hydrops, ascitis, vel anasarca, aut epilepsia, vel ipsa quoque apoplexia simul concurrant. Commode vero hanc compositam syncope[m] rursus dividere possumus in connexam, antecedentem & consequentem, illa est, quæ de præsentis cum aliis affectibus est complicata, utpote si febris maligna cum syncope simul adest. Ista dicitur, quando prius adfuit, quam reliqui morbi, vel symptomata accessere, & si quasi origo reliquorum existit; Hæc vero est, quando syncope alios affectus subsequitur, febres cum primis ardentes, malignas, petechiales, enormes quoscunque dolores, in lue venerea cum primis, calculo, arthritide, podagra nodosa, aliosque morbos gravissimos & symptomata vehementissima.

§. IX.

Haud sine usu medico erit, si quoque reliquas
B distin-

distinctiones his inferamus: Syncope enim est vel u-
 niversalis vel particularis: universalis dicitur, quate-
 nus vasis seu potius Massæ sangvineæ penitus insidet,
 & quidem iis vasis, quæ sangvinem & spiritus dispen-
 sant: Particularis vero ratione originis cessantis mo-
 tus, nimirum cordis: cor enim uti primum est mo-
 vens, ita quoque specialiter cessantis motus sanguinis
 est fons, adeoque syncopes origo. Nec minus alia di-
 stinctio heic obtinet futuro pratico scitu maxime ne-
 cessaria, ut eo facilius noscat & æstimet majus vel
 minus periculum, & ita remedia debite adhibeat, ab-
 hinc syncope potest dici per essentiam sive ideopathica,
 si proprio & domestico malo a causis supra recensitis
 & non aliunde exoritur, vel per consensum, sive sym-
 pathica, quando hic affectus aliunde oritur, & mine-
 ra fovens in alia parte residet. E. g. in ventriculo, ute-
 ro, hypochondriis, mesenterio, hepate, splene, reni-
 bus, aliisque remotis locis. Non incongruum erit,
 huc referre syncopen connatam & acquisitam: Con-
 nata dicitur, cujus origo ad primum ortum refertur,
 atque iterum est duplex, vel actu talis, vel potentia:
 Actualis est, quando vitium tale ex ipso utero ortum
 agnoscit, e. g. si foetus adhuc in utero contentus san-
 guinem ad coagulationem facile pronum & polypum
 quasi quendam circa cor vel arterias majores conci-
 piat, aut jure hæreditario, si mater syncope vel lipo-
 thymia quoque sæpe afficiatur, aut si ejusmodi infan-
 tes nimis mature frigori per totum corpus exponun-
 tur: Vel etiam post ortum à lacte coagulabili, & cogu-
 lato disponitur infans ad lipothymias & syncopen, po-
tentia

tentia vero talis est, quando ejusmodi hæreditaria dispositio post plures annos se exerit. Acquisita tandem & ascititia dicitur, si per ætates demum, & errore ipsius subjecti origo hujus mali eveniat, adeoque non à causa primitiva, sed potius supergenita & assumpta, à victu inordinato, ab aeris injuria, ab animi pathematibus, aliisque rebus nonnaturalibus, vel in excessu, vel in defectu peccantibus dependens.

§. X.

Proxume jam ordinis ratione devolvor ad Ætiologiam, in qua primum sibi vendicat locum, causa immediata, quæ ad affectum proxume concurrit, & inter quam & effectum nulla alia datur causa: Eandem vero modo constituunt spiritus vitales, deficientes, stagnantes, vel impediti. Licet enim circulum massæ sanguineæ inhibitum, aut calidi innati defectum sive flammulæ vitalis in corde suffocationem huc referre velimus, horum tamen omnium consecrarium inseparabile, & causa principalis est vitium spirituum vitalium. Assumitur vero hic spirituum defectus eatenus, quatenus totius corporis partes, spiritu vegetante sive sanguinis æthereo subtilissimo & spirituofo vinculo destituuntur; Ex hoc distributio massæ sanguineæ à corde fieri debita læditur, & circulus sanguinis impeditur, sanguis ipse stagnat, atque subsistit, debita nimirum spiritualcentia carens, quæ alias magis motus sanguinis fermentativi & progressivi progressum ac promotionem promovet. Sane si stagnationem spirituum, quocunque modo ista fiat, consideramus, est causa, quominus liber possit esse circulus sanguinis, & tandem,

si in certo quodam vase impedimentum fluxus sanguinei oboritur, sanguis ex debito ventilari, sive potius stagnatio hujus intentata solvi nequit.

§. XI.

Causam immediatam merito excipit mediata, ab aliis dicta antecedens, eandemque diversimodæ & multæ res comitantur: sic aliquæ spirituum defectum efficiunt vitalium, spirituum generationem vel remorantes, vel generatos absumentes: Illud faciunt facultatis vitalis imbecillitas, & defectus sanguinis arteriosi & venosi quoque, utpote in quo fundamentaliter & originaliter ratio affectus quærenda est, quatenus iste sanguis minus aptus est, ut debita fermentatione subtilisari, & in debitos spiritus exaltari queat, id quod fit dupliciter, vel prout sanguis deficit in acrimonia sua salina, fermentativa, hoc est, dum in massa sanguinea deficit acrimonia salium, in specie vero inertia salis volatilis oleosi, sive bilis, ibidem incusanda est, quo minus sanguis aptus sit ad spirituaſcentiam recipiendam, vel prout sanguis magis exhaustus deficit ob affectus chronicos, a quibus sanguis depauperatur & deturpatur, nec minus vasorum cum primis majorum obstructio huc referenda, tunc enim connubium spirituum & sanguinis cessat, propter sanguinis circulationem prohibitam, hoc faciunt partim suffocatione, partim resolutione nimie sanguinis profusiones, sive eveniant per V. S. sive per vulnera, hæmorrhagias per nares, uterum, & hæmorrhoides & ita porro: Oppitulantur nimie aliorum humorum evacuationes in dysenteriis, diarrhœis, cholera, hypercatharsi,

ἐν καὶ πάτω factis, nec minus in nimia aquarum hydropi-
 carum & puris, confertim, sive *ἀδρόως καὶ βιόως* facta a-
 missione, in sudoribus quoque nimiiis, & colliquati-
 vis; Quæ evacuationes sane omnes debita succenti-
 cula detrahunt, & spiritus vitales absumunt. Ne silen-
 tii peplo involvamus morbos tum chronicos, tum a-
 cutos, isti enim defectum spirituum inducunt, nunc
 impediendo sanguificationem & chylum turbando, si-
 cuti videre est in hydropis speciebus, affectibus arthri-
 ticis, & doloribus phlegmaticis, nunc vero rarefacien-
 do spiritus & nimium subtilizando, sicuti fit in phthisi,
 hæctica, morbisque & febribus lentis; Hi vero nimi-
 rum acuti, ratione malignitatis vinculum sanguinis &
 feri majorem in modum dissolvendo dissipant & ra-
 refaciunt vitalem auram; Porro vero dantur huc re-
 ferendi partus difficiles, ingentes labores, motus &
 exercitia nimia ad extremam usque defatigationem
 perducta: huc balnea & diuturnior in his pernian-
 tio: huc venena, vel extrinsecus per morsum sive pun-
 cturam ab animalibus rabidis, & venenatis, vel intrin-
 secus, accepta atque assumpta, virtute turbativa, nunc
 sulphurea, nunc mercuriali, nunc antimoniali, gauden-
 tia, & spiritus nostros vel suffocantia, vel plus justo sub-
 tilisantia. Ne excludamus mutationem subitaneam ex
 aere calidissimo in nimis frigidum, spiritus à circum-
 ferentia ad centrum cum impetu revocando. Huc
 pertinet potus frigidus post insignem corporis incale-
 scentiam, qualia exempla à syncope correptorum ob
 admissum excessivum frigus, vel calorem quoque sunt
 ubivis obvia. Antipathia tandem quarundam rerum

singularis idem præstat, juxta quam quidam præsentiam felium, canum, murium, &c. ferre nequeunt, sed syncope, aliisque animi deliquii speciebus corripuntur. Huc pertinent animi affectus subitanei, & immoderati, gaudium & nuntius insperatus, timor, terror magnus, gravis tristitia, iracundia, aut quoque sola fortior horrendæ cujusdam rei imaginatio aut cogitatio.

§. XII.

Deinde quoque dantur aliæ causæ antecedentes, quæ ad spirituum stagnationem præsertim plurimum contribuunt, ut sunt motus sanguinis abolitus, vel saltem diminutus, ex quacunque etiam causa remota exoriens, unde spiritus vitales ligantur, figuntur, & stagnant; Huc referenda grumescencia massæ sanguineæ major & violentior, quam natura suffere potest. Grumescencia vero sanguinis & coagulatio fit vel positive vel privative. Illud, quando humor vel vapor acerbus, viscosus, acidus, aut phlegmaticus, vehementius modo cum sanguine, modo cum ipso chylo ad cor deferitur, partes, salino oleosas & mercuriales, volatiles figens, & inordinationem ejusmodi instituens: Hoc vero fit, si partes spirituosiores exhauriuntur, obruuntur, debilitantur & consumuntur: Sic enim reliquus sanguis stagnat, subsistit, coagulatur, & grumescenciam subit. Nec minus variæ aliæ causæ antecedentes & remotæ dantur, quæ impediunt, sive remorantur spiritus, sicuti sunt obstructions variæ, propter obstaculum corporale & solidum, vel in ipso corde contentum, vel in partibus vicinis: Gra-

tiam

tiam exempli præbet abscessus tum in vasis cordis, tum in arteriis & vasis majoribus, quo rupto, vel saltem majori reddito & excrecente vasa obstruuntur & circulus sanguinis atque spirituum læditur & syncope subsequitur. Simile exemplum recenset, Magnus Wedelius b. m. in pathol. sua dogmatica de Serenissimo quodam Principe, qui sanus lectum ingressus mane mortuus inventus est: Sectione vero Cadaveris instituta in corde Polypus adfuit obstructionis hujus & mortis subitanæ causa. In Holerio quoque observatum videmus abscessum venæ arteriosæ L. i. Cap. 30. & Tulpius quoque L. ii. Observ. l. 16. annotat, Lipothymiam majorem ex abscessu in sinistra cordis auricula existente. Sic Sangez Medicus Hispanus in observ. suis refert notabilem observationem de Veneto quodam, qui in corde suo apostema dimidii ovi magnitudinis habuit, ex qua causa quoque subinde Syncope tactus fuit.—Ratio hujus præmaturæ mortis admodum facilis est: abscessus nimirum talis est in corde, qui si vel major inopinato redatur, vel etiam rumpatur, in ipso quasi momento turbat motum cordis pulsatorium, unde palpitatio oritur, motus vero cordis retardatur, & graviori dato casu ferè plane cessat, quando autem in vasis majoribus cordi vicinis est, abhinc eo facilius eadem obstrui possunt, & liberi transitus impediri, spiritusque in actionibus suis turbari. Ad censum hunc venit vomica pulmonum rumpens, vel Phthisis pulmonaris, aut ulcus pulmonum ruptum, si sit circa vasa præcipua majora, venam nimirum, arteriosam & si vel maxi-
me

me vomica, vel ulcus, in ipsam hanc venam ad cor tendentem abeat: Exinde enim venæ æquæ atque arteriæ obstruuntur, spiritus & sanguis impeditur, motusque cordis inhibetur. Si calculi in corde, vicinisque partibus hinc inde ab Autoribus observati adsint, eo magis obstructionem in vasis, motum impeditum in sanguine, & hinc spirituum suffocationem subitanæ, temporalem tamen, & ad certum tempus solum durantem causare valent, si occasione aliunde data hi calculi vel sabulum e loculis suis dimoveantur.

§. XIII.

Ulterius & specialius variæ res præternaturales huc essent referendæ: Variant enim ipsa subjecta, prout sunt tenuioris vel firmioris constitutionis, variant idiosyncrasiæ & temperamenta, victus ratio, diætæ regimen, aliæque circumstantiæ nostrum affectum, ut spiritus modo absumantur & deficient, modo stagnent & impediantur. Nihil obstat quoque, quo minus respiciamus ad affectus varios, quibuscum Syncope non raro est combinata, e. g. ad Apoplexiam, vertiginem, Paralyfin, Epilepsiam, similesque affectus convulsivos, dolores varios, malum hypochondriacum, delirium hypochondriacum, Uterinam passionem & suffocationem, partum difficilem, calculum, gonorrhœam, luem veneream, aliosque affectus, qui omnes non raro variant causam morbificam, spiritusque modificant.

§. XIV.

A Causis jam proximus est transgressus ad Semio.

mioticam, ubi se trudent signa tam Diagnostica, quam Prognostica, ambobus vero non raro famulantur anamnesticæ, statum nimirum præteritum patefacientia. Ratione ultimorum signorum inquirendum est, an patiens sit tenerioris constitutionis, an dispositio adsit hæreditaria, an ægrotus inordinata utatur Diætâ, an motus & exercitia nimia facta fuerint, animi affectus, ira, terror, gaudium excedens, & ita porro præcesserint, quippe quæ singula reliquis signis facem facile accendunt; signa vero Diagnostica, tam in nostro subjecto, quam in aliis alia spectant, vel ad imminentem syncopen vel ad præsentem: in priori in assuetis cum primis deprehenduntur subitanea & improvisa anxietas, vertigo, muscæ, in oculis apparentes, varii non raro coloris, palpitation cordis, pulsus inæqualis, calor tepidus circa præcordia; Germanicis sequentibus exprimitur. *Es wird ihn so warm, und so weichl. und kömmt allemahl an das Herze.* In posteriori vero sive syncope præsentem, signa optime ex adstantium revelatione percipiuntur, sive per se manifesta sunt, & sequenti tenore recensentur. Magnus & subitus virium lapsus, pulsus maximopere debilis, & obscurus, vel superius descriptus totius corporis, & extremarum præcipue partium frigus, pallor totius faciei, sudor frigidus, copiosus & glutinosus, in temporibus, collo & thorace proveniens. Signa tandem prognostica ut adducamus, syncope sane semper est periculosa, plus minus tamen ob circumstantiarum varietatem, quas inter primum locum tenet hæreditaria dispositio, quæ etiam obtinuit nostro in casu, dum pater simili affectu non raro labora-

boraverit. In quibusdam adhuc restitutio fit, uti nostro in casu factum est., in aliis vero malum hoc evadit lethale, & quidem propter majorem debilitatem spirituum, magis magisque accrescentem, unde etiam talis paroxysmus facile rursus data etiam leviori occasione recurrit, quod si longius duret, hujus mali paroxysmus motusque cordis deficiat diutius, quam par est, exitiale est malum. Quando quoque causæ antecedentes graviores fuerunt, & ægri à spirituosissimis volatilibus odoriferis, irritantibus & stimulantibus, ab aqua item frigida, vel ptarmicis quoque minus resuscitantur, tunc signum est lethalis syncopes & vice versa: Huc pertinent sudor frigidus, maxime glutinosus & copiosior, hypercatharthes, venæsectiones, hæmorrhagiæ, & hæmorrhoides nimix, lethale quid inducentes.

§. XV.

Ad curationem tandem devehor, ubi indicationes sunt ponendæ, atque ex causis eruendæ: Spiritus nimirum ante omnia sunt excitandi, reficiendi, & in motum redigendi, sanguis in vitali sua fermentatione & spirituaſcentia promovendus, bilis peccans temperanda, sanguinis glutinositas attenuanda, grumositas resolvenda, tonus cordis tutandus, liberandus & restaurandus, neque stomachi vis & constitutio est negligenda.

§. XVI.

In vero paroxysmo primario locum habet externa medela, ut naribus, temporibus, pulsibus & cordis ac præcordiorum regioni applicemus generosiora, volatilia, spirituosissima, confortantia & penetrantia. Utpote huc referenda varia & varianda quoque remedia, pro rei exigentia, subjectorum conditione & constitutione, aliisque circumstantiis, e. gr. Spiritus cornu cervi, Ebo-

ris,

ris, Salis Amm. Sal. vol. Aromaticum quodcunque, Sal. vol. cornu cervi, Spiritus viperarum, Castor. ejusdemque essentia, aqua item apoplectica, Carbunc. Hungar. Lilil. convall. Balsam. apoplect. ex oleis Cinnam. citr. Rut. Lavend. ver. Caryophil. Succin. lign. Rod. variaque composita in officinis prostantia. Succinum solum etiam accensum naribus exceptum, aut oleum carabinum, naribus illitum, aut hujus unam vel alteram guttam cum aqua vinosa ori infusam commendat Rulandus. In aliis subjectis acetum fortius & generosum, simplex vel compositum, Bez. fl. tunic. Rutæ & similia laudantur.

§. XVII.

Si jam ante laudatis medicamentis revocati sunt spiritus, iidem medicamentis internis in motu sunt conservandi & reliqua in superioribus indicationibus indicata addenda. Unde profunt hic cordialia, & cardiaca, quatenus massam sanguineam & spiritus in vigore suo conservant, & hunc restitunt, uti sunt omnia medicamenta, in quibus particulæ spiritus restaurantes sunt concentratæ, v. gr. Aurum ipsum, ejusdemque TR. vera, ambra & moschus, eorundemque essentiæ, lapides quinque pretiosi, Rubinus, Hyacinthus, Sapphirus, Smaragdus, Chrysolitus, Antimonialia & Cinnabarina hoc loco quoque optime adhibentur, satis nota, nec minus margaritæ & mater perlarum, succus citri, granorum kermes, essentia menthæ, melissæ, Cinnamomi, Cardamomi, & ex compositis spec. cord. temperantes, Dia Marg. frigidæ & ita porro adhiberi possunt. In cura vero ulterius expendenda, ad materiam morbificam eo melius removendam adhibenda

benda sunt, vel maxime Diaphoretica, non omissis tamen, sicubi opus est, digestivis temperantibus corrigentibus pariter ac evacuantibus. Huc pertinent jam laudatæ TR. Antimoniales, salia item volatilia urinos. acidis ligata, liquor cornu cervi succin. Spiritus tartari, Bez. Buss. Sal ammon. Arcan. dupl. & ita porro. In quibusdam vero subjectis refrigerantia & temperatiora magis quadrant, si a nimio calore & æstu vel febris continua ardenti malum dependeat, uti sunt cum primis spiritus aciduli, nitri dulc. vitriol. Ois, succus rib. Berber. acetos. citr. nec minus lapidea & terrea, oculi cancrorum, corallia rubra & alba, Bol. Armen. &c. Tandem vero etiam in quibusdam casibus adhibentur calefacientia: In Syncope a terrore, metu, nimio frigore, & coagulo, potius oborta, quorsum spectant omnia aromata, carminativa, piper, Zingiber. N. M. Cinnamon. caryophyl. radix galangæ, zedoariæ, sem. Cardamom. anis. fœnic. carv. &c.

§. XVIII.

Reliqua ratione curæ ob spatii brevitatem ex Autoribus practicis eruenda relinquo, & non nisi hæc adhuc moneo, quod ratione diætæ illud sit resarciendum, quod deficit, debitisque adminiculis utendum, quæ varietas symptomatum, affectus principalis, aut concomitantium, variarumque circumstantiarum suadet; Unde filum abrumpo, & huic disputationi colophonem impono, reliqua ulterioribus meditationibus relicturus: DEO NOSTRO gratias agens devotissimas pro benignissime concessa gratia, viribusque per totam meam vitam, Studiumque Academicum concessis,

CUI SIT LAUS, HONOR & GLORIA
IN SEMPITERRNA SECULA!

